

序

原夫二儀判後析為五行五行
之數推以甲子五道縱橫於上
實昭々列象於天十干分配於
年續一歲始終之化故太過不
及有兩暘多少可憑來早來遲

看寒暑注來為驗十二支對待
於上下用作司天察十干配合
之剛柔可識兩間之運氣此蓋
元珠密語之雅言猶未及於疫
癘古聖閔慈後世別譌補遺由
自陽年太過失配反虛其氣未

施成鬱乃鬱久為災人為萬物
之靈在氣交之中感之即病
分五等不出五行淫所勝妄行
而保不勝者之受剋皆用針以
施治並未省湯液可循張劉朱
李以及南陽節菴俱所未道幸

近代吳又可先生著溫疫論辨
症要方非身歷其境者不能如
此精細惜未溯岐黃問答之源
耳鄙見彙為一冊庶使後代志
所從來當世諸君子倘或尚有
秘要賜教不勝欣幸萬幸矣是

為序

重刊疫癘溯源序

昔賢有言不為良相即為良醫之為道
通於死生呼吸故周禮以其職隸諸天官
而即繫之曰十全為上自和緩倉扁遞出
源流沿襲著書幾於充棟然非神而明之
會通其旨則為醫而徒泥古方何異為相
而但拘成法其僨事固同一轍也吾邑王
協中先生在乾隆時以醫名震東南難經

諸書靡不探其奧窔華厥英華同時葉天
士何澹菴薛生白輩罔弗斂手驚服所著
疫癘溯源一書反覆推闡參酌精詳尤足
稱仲景功臣而為喻氏嘉言吳氏又可之
諍友也惜當時付梓後印訂無多末學遂
無由津逮昨年冬先生之族孫聽濤上舍
以藏本示余讀之辨析牛毛珎同鴻寶詢
知原板已全受鼠虫之毒為撫卷太息者

久之上舍迺憇余補刊此冊以廣其傳因
相與重加校勘壽諸剞劂中有漫漶處悉
仍其舊非徒阙疑亦以留廬山真面也嗟
乎通儒畢生著述言苟有闕經濟雖年湮
世遠後人猶鄭重求之況此書心存利濟
實羽翼前人所未及天灾流行疫癘之禍
何在蔑有為相而心切拯民固不難起瘡
痍而使登樂土為醫而術堪濟世又何難

魁危亡而俾享天年醫之權誠有通於相
業者矣余雖禱昧於千金肘後諸方曾未
一窺其秘而此書重獲流傳安知非先生
之靈默有以詔我者在乎刊既成因謹誌
其顛末如此道光乙巳仲春月同邑王慶
勳舛彛書於槎東別墅



自序

昔仲景先師著傷寒方論實群方之祖蓋聖人之言
凡病皆可比例借用後潔古東垣河間因春溫夏熱
四時感冒之表證恐麻桂等湯太重故另製沖和羌
活雙解等方以代之至六經傳變悉依其方法以為
準繩若疫癘病仲景已下從未有明言者近代嘉言
喻氏則云災荒之歲流遺載道病氣屍氣上混蒼天
清淨之氣下壞水土物產之宜因解悟而得之想當
然耳無本之言也又又可吳氏因治驗而歷叙其當
然意誠善矣若云此病非六淫之邪天地間別有一

種雜氣惡氣亂氣是成何說豈數百年無此氣今忽有之耶昔子嘗讀王註素問甚明白曉暢獨於五運六氣則隨文訓釋而已蓋其精義盡在元珠密語中元珠密語者何元珠子講軒岐書以授其徒啟元子之書其書干支相乘六十年中似乎甚板然太過不及之運相勝相合相剋之氣天符歲會年月日時合則和和則制又甚活也昔見宋刻之本如此其卷數云二十卷細查之實十九卷而卷末又曰元珠密語終初甚疑之近日又得宋刻補遺蓋補十九卷之遺也但言五運六氣之所以成疫癘之故今細錄之并

附衆說諸方名之曰疫癘溯源云上海王敬義協中
記

經文補遺惟有二篇 補刺法論 本病篇 刺法

論下有小字題詞茲節錄於後

後本病篇正所以發明此篇內有折其鬱氣資其
化源等語大義見天元正紀大論中但彼則引而
不發至此二篇始得有下手處惟升之不前降之
不入故成五鬱惟不退位故不遷正司天不得遷
正則剛失守而後三年成五癘後世不知司天在泉天
柔失守而後三年成五癘後世不知司天在泉天
之右旋地之左旋及治五鬱者以其不知此二篇
升降之義也不能治疫癘者以其不知二篇退位
遷正剛柔失守之義也但不知始自何代將此二
篇竊出私傳不入官本斯人者其無後乎昔梁昭
明太子用千金募天祿閣外史愚意後之太醫其
募此當不啻千金也凡所刺穴即折其鬱氣資其
化源之法須知所補所瀉在
何經之法則用藥亦猶是矣

經文補刺法論

黃帝問曰升降不前氣交有變即成暴鬱余已知之
如何預救生靈可得却乎岐伯稽首再拜對曰昭乎
哉問臣聞夫子言既明天元須窮刺法可以折鬱扶
運補弱全真瀉盛蠲餘令除斯苦帝曰願卒聞之岐
伯曰升之不前即有甚凶也木欲升而天柱室抑之
木欲發鬱亦須待時當刺足厥陰之井火欲升而天
蓬室抑之火欲發鬱亦須待時君火相火同刺胞絡
之榮土欲升而天衝室抑之土欲發鬱亦須待時當
刺足太陰之俞金欲升而天英室抑之金欲發鬱亦
須待時當刺手太陰之經水欲升而天內室抑之水

欲發鬱亦須待時當刺足少陰之合

註云此言六元欲升天以作左間而逢天星中運抑之必致發鬱其法各有所刺也夫子僦貸季也升者自在泉右間而升為天之左間也天柱金正之宮天蓬水正之宮天衝木正之宮天英火正之宮天內土神之應宮也辰戌之歲太陽遷正作司天則往年陽明司天之歲厥陰在地以作右間者至此歲欲升天以作天之左間遇天柱金司滕之不前又庚辰庚戌金運先天中運滕之不前在人肝經為病當刺足厥陰之井穴大敦

足大指外端去爪甲如韭

葉三毛中以手按穴待動脉針三分留六呼得氣急出之先刺左後刺右又可春分日用遠志湯吐之

巳亥之歲厥陰遷正以作司天去年辰戌之歲少陰在地以作地之右間今歲升天欲作天之左間遇天蓬水司睢之不前又或遇厥陰未遷正則少陰未得升天又辛巳辛亥水運抑之在人心經為病其君火不升當刺手厥陰之榮穴勞宮

手掌中以手按

穴動脉應手刺三分留六呼得氣急出之先左手後右手一法於雨水後三浴以藥泄汗

丑未之歲太陰遷正以作司天去年子午之歲少陽在地以作地之右間今歲升天欲作天之左間